

春秋左傳杜注

春秋左傳杜注卷第十四

華亭姚培謙

襄公

名午成公子母定姒譏法因  
事有功曰襄辟土有德曰襄

經元年春王正月公即位

無傳於是  
公年四歲

○仲孫蔑會晉欒

黶宋華元衛甯殖曹人莒人邾人滕人薛人圍宋

彭城

魯與謀於虛杙而書會  
者與命霸王非匹敵故

○夏晉韓厥帥師伐鄭仲孫

蔑會齊崔杼曹人邾人杞人次于鄆

鄆鄭地在陳留襄邑  
縣東南書次兵不加

鄭次鄆以待晉師○鄆才陵反○秋楚公子壬夫帥師侵宋○九月辛

酉天王崩

無傳辛酉九  
月十五日

○邾子來朝○冬衛侯使公孫

劉來聘

劉子叔黑背子  
○劉匹妙反

○晉侯使荀整來聘

冬者十月初也  
王崩赴未至晉

未聞喪故各得行朝  
聘之禮而傳善之

傳元年春己亥圍宋彭城

下有二月則此己亥為  
正月正月無己亥日誤

非宋地

追書也

成十八年楚取彭城以封魚石故曰  
非宋地夫子治春秋追書繫於宋

於是為宋討魚石

故稱宋且不登叛人也

登成也不與其專邑叛  
君故使彭城還繫宋

謂之宋志

稱宋亦以  
成宋志

彭城降晉晉人以宋五大夫在彭城者歸

寘諸瓠邱

彭城降不書賤略之瓠邱晉地河東東垣縣東南有壺邱五  
大夫魚石向為人鱗朱向帶魚府○瓠邱故反○壺邱即今

絳州垣曲縣東南陽壺  
城也屬山西平陽府

齊人不會彭城晉人以為討二月

齊大子光為質於晉

光齊靈  
公大子

○夏五月晉韓厥荀偃帥諸侯之師伐鄭入其郛

荀偃不書非元帥。賈氏達曰。諸侯之師謂宋衛滕薛之師。敗其徒兵於洧上。徒兵安兵洧水出密縣東南至

長平入潁。長平城在今西華縣東北屬河南陳州府。於是東諸侯之師次于郟以待

晉師。齊魯曹邾杞。晉師自鄭以郟之師侵楚焦夷及陳。於是

子自郟先歸不與侵陳楚故不書。孔疏獻子先歸傳無其事正以不書侵楚侵陳知其必先歸矣。晉侯衛侯次于戚

以爲之援。為韓厥援。

○秋楚子辛救鄭侵宋呂留。呂留二縣今屬彭城郡。○呂縣隋廢留縣唐廢今俱在江南徐

州府鄭子然侵宋取犬邱。譙國鄆縣東北有犬邱城迂迴疑。○鄭子旦反。

○九月邾子來朝禮也。邾宣公。○冬衛子叔晉知武子

來聘禮也。凡諸侯即位，小國朝之。

小事

大國聘焉。

小事

以繼好結信，謀事補闕，禮之大者也。

闕猶過也。禮以安國家，利民人為大。

經二年春，王正月，葬簡王。

無傳五月而葬速。

○鄭師伐宋。

書伐從告。

○夏五月，庚寅，夫人姜氏薨。

襄公嫡母也。

○六月，庚辰，鄭

伯賁卒。

未與襄同盟而赴以名。庚辰七月九日，書六月，經誤。○賁，古困反。

○晉師，宋師，衛甯殖

侵鄭。

宋雖非卿師重，故敘衛上。○孫氏覺曰：晉宋稱師將卑師衆也。甯殖書名將尊師少也。

○秋七月，仲孫

蔑會晉荀躒、宋華元、衛孫林父、曹人、邾人于戚。○

己丑，葬我小君齊姜。

齊諡也。三月而葬速。○諡法，執心克，注，回齊。

○叔孫豹如宋。

豹於此始自齊還為卿。

○冬，仲孫蔑會晉荀躒、齊崔杼、宋華元、衛

孫林父曹人邾人滕人薛人小邾人于戚遂城虎

牢

以偏鄭

○楚殺其大夫公子申

傳二年春鄭師侵宋楚令也

以彭城故

○齊侯伐萊萊人使正輿子賂夙沙衛以索馬牛

皆百匹

夙沙衛齊寺人索簡擇好者○索所白反

齊師乃還君子是以知齊靈公

之為靈也

謚法亂而不損曰靈言謚應其行

○夏齊姜薨初穆姜使擇美楨

楨梓之屬○楨古雅反

以自為觀

與頌琴

柳棺也頌琴琴名猶雅琴皆欲以送終

季文子取以葬君子曰非禮

也禮無所逆婦養姑者也虧姑以成婦逆莫大焉

穆姜成公母齊姜成公婦○養去聲詩曰其惟哲人告之話言順德之行

言知者行事無不順詩大雅哲知也話善也季孫於是為不哲矣言逆德且姜氏君

之妣也襄公適母故曰君之妣詩曰為酒為醴烝畀祖妣以洽百

禮降福孔偕詩周頌烝進也畀與也偕徧也言敬事祖妣則鬼神降福季孫葬姜氏不以禮是不敬祖妣

○齊侯使諸姜宗婦來送葬宗婦同姓大夫之婦越疆送葬非禮名萊子

○孔疏世族譜不知萊國之姓齊侯名萊子者不為其姓姜也以其比鄰小國意陵蔑之故召之欲使從以諸姜宗婦來向魯耳

會故晏弱城東陽以偪之為六年滅萊傳東陽齊竟上邑○今東陽城在山東青州府臨朐縣東

○鄭成公疾子駟請息肩於晉欲辟楚從以負擔喻公曰楚君

以鄭故親集矢於其目謂鄢陵戰音射楚王目非異人任寡人也

言楚子任此惠不為他人蓋在己。任音壬。

若背之是弃力與言其誰暱我

言盟誓之

言免寡人唯二三子秋七月庚辰鄭伯踰卒於是

子罕當國

攝君事

子駟為政

為正卿

子國為司馬晉師侵鄭

晉伐喪非禮

諸大夫欲從晉子駟曰官命未改

成公未葬嗣君未免喪故言未

改不欲違先君意

○官命猶言公命

○會于戚謀鄭故也

鄭久叛晉謀討之

孟獻子曰請城虎牢

以偪鄭

虎牢舊鄭邑今屬晉

知武子曰善鄭之會吾子聞崔子

之言今不來矣

元年孟獻子與齊崔杼次于鄭崔杼有不服晉之言獻子以告知武子

滕薛小邾

之不至皆齊故也

三國齊之屬

寡君之憂不唯鄭

言復憂齊叛

瑩



將復於寡君而請於齊

以城事白晉君而請齊會之欲以觀齊志

得請而告吾

子之功也

得請謂齊人應命告諸侯會築虎牢

若不得請事將在齊

將伐齊

吾

子之請諸侯之福也

城虎牢足以服鄭息征伐

豈惟寡君賴之

傳言荀彘能用善謀

○穆叔聘于宋通嗣君也

○冬復會于戚齊崔武子及滕薛小邾之大夫皆

會知武子之言故也

武子言事將在齊齊人懼帥小國而會之

遂城虎牢鄭人

乃成

如孟獻子之謀

○楚公子申為右司馬多受小國之賂以偪子重

子辛

偪奪其權勢

楚人殺之故書曰楚殺其大夫公子申

言所以致  
國討之文

經三年春楚公子嬰齊帥師伐吳○公如晉夏四月

月壬戌公及晉侯盟于長檮

晉侯出其國都與公盟于外。檮勅居反。孔疏晉侯與公盟

于長檮蓋近城之地盟訖遷入於晉故公歸書曰公至自晉也悼公謙以待人不敢使國君就已出盟於外若似相就然

公至自晉

無傳不以長檮至本非會

○六月公會單子晉侯宋公衛侯鄭伯莒

子邾子齊世子光己未同盟于雞澤

雞澤在廣平曲梁縣西南周靈王新即位

使王官伯出與諸侯盟以安王室故無譏○後漢志曲梁侯國有雞澤今曲梁故城在直隸廣平府東北高氏開曰此因城虎牢之故鄭服而同盟又諸侯同心初楚而王臣亦與焉故書同張氏洽曰晉悼公始合諸侯尊王室而盟單子與桓公首止蔡邱異矣故書公會單子諸侯己未同盟于雞澤所以譏其儕王官於諸侯傳下同于敵血其事不足乎揚故不再言雞澤而例之於新城同盟之書也

陳侯使袁僑如會

陳疾

楚政而來屬晉本非召會而自來故言如會

戊寅叔孫豹及諸侯之大夫及陳

袁僑盟

諸侯既盟袁僑乃至故使大夫別與之盟言諸侯之大夫則在難澤之諸侯也殊袁僑者明諸侯大夫所以盟盟袁僑也據傳盟在

秋長歷推戊寅七月十三日經誤

秋公至自會

無傳

冬晉荀瑩帥師伐

許

傳三年春楚子重伐吳爲簡之師簡選練克鳩茲至于

衡山

鳩茲吳邑在丹陽蕪湖縣東今阜夷也衡山在吳興烏程縣南今江南太平府蕪湖縣東四十里有鳩茲港烏程縣屬浙江湖州府遠

今太平府當塗縣東北六十里有橫山疑是

使鄧廖帥組甲三百被練三千

組甲被練

皆戰備也組甲漆甲成組文被練練袍也廖力彫反被去聲

以侵吳

子重既克而歸此乃別將

吳人要而

擊之獲節廖其能免者組甲八十被練三百而已

子重歸既飲至三日吳人伐楚取駕駕良邑也鄧

廖亦楚之良也君子謂子重於是役也所獲不如

所亡當時君子楚人以是咎子重子重病之遂遇心疾而

卒夏志故成心疾

○公如晉始朝也公即位而朝夏盟於長樛孟獻子相公

稽首相儀也稽首首至地知武子曰天子在而君辱稽首寡君

懼矣稽首事天子之禮孟獻子曰以敝邑介在東表密邇仇

讎仇讎謂齊楚與晉爭寡君將君是望敢不稽首傳言獻子能固事盟主○張氏洽曰

孟獻子魯之賢大夫尚不知君臣之義以相其君所謂不知先立乎其大者春秋諸賢之同病也

○晉爲鄭服故且欲修吳好

鄭服在前年

將合諸侯使士

匄告于齊曰寡君使匄以歲之不易不虞之不戒

寡君願與一二兄弟相見

不易多難也虞度也戒備也列國之君相謂兄弟○易以歧反

謀不協請君臨之使匄乞盟齊侯欲勿許而難爲

不協乃盟於彤外

與士匄盟而水名○彤音而○即時水平地出泉曰彤

○祁奚請老

老致仕

晉侯問嗣焉

嗣續其職者

稱解狐其讎也

將立之而卒

解狐卒○解音蟹

又問焉對曰午也可

午祁奚字

於是

羊舌職死矣晉侯曰孰可以代之對曰赤也可

赤職之子

伯於是使祁午爲中軍尉羊舌赤佐之

各代其父

君子謂

祁奚於是能舉善矣。稱其讎，不爲諂；立其子，不爲

比；舉其偏，不爲黨。

諂媚也。偏屬也。○比，毗志反。○孔疏：祁奚爲中軍尉，羊舌職佐之，職屬祁奚，復舉其子，是舉其

偏屬也。

商書曰：無偏無黨，王道蕩蕩。

商書洪範也。蕩，蕩平正無私也。

其祁奚

之謂矣。解狐得舉，

未得位，故曰得舉。

祁午得位，伯華得官，建

一官而三物成。

一官，軍尉。物，事也。

能舉善也。夫唯善，故能舉

其類。詩云：惟其有之，是以似之。祁奚有焉。

詩小雅言唯，有德之人能

舉似己者也。

○六月，公會單頃公及諸侯。己未，同盟于雞澤。

單頃

公王卿士。頃，音頃。

晉侯使荀會逆吳子于淮上，吳子不至。

道遠多難

○楚子辛爲令尹，侵欲於小國，陳成公使袁僑如

會，求成。患楚侵欲，袁僑濟塗四世孫。晉侯使和組父告于諸侯。告陳，秋

叔孫豹及諸侯之大夫，及陳袁僑盟。陳請服也。其君不來。

使大夫盟之，匹敵之宜。

○晉侯之弟揚干，亂行於曲梁。行陳次。○魏絳戮其

僕。僕御也。晉侯怒，謂羊舌赤曰：「合諸侯以爲榮也，揚干

爲戮，何辱如之！必殺魏絳，無失也。」對曰：「絳無貳志，

事君不辟難，有罪不逃刑，其將來辭，何辱命焉！言

終，魏絳至，授僕人書。僕人晉侯御僕。將伏劍，士魴張老止之。

公讀其書曰日君乏使使臣斯司馬

斯此也

臣聞師衆

以順爲武

順莫敢違

軍事有死無犯爲敬

守官行法雖死不敢有違

君合諸

侯臣敢不敬君師不武執事不敬罪莫大焉臣懼

其死以及揚干無所逃罪

懼自犯不武不敬之罪

不能致訓至於

用鉞

用鉞斬揚干之僕

臣之罪重敢有不從以怒君心

言不敢不從戮

請歸死於司寇

致尸於司寇使戮之

公跣而出

○跣先典反

曰寡人之

言親愛也吾子之討軍禮也寡人有弟弗能教訓

使干大命寡人之過也子無重寡人之過

聽絳死為重過

以爲請

請使無死

晉侯以魏絳爲能以刑佐民矣反役與



之禮食使佐新軍

羣臣旅會今欲顯終故特為設禮食○食音嗣○孔疏與之禮食者若公食大夫禮以大夫為

賓公親為之特設禮食

張老為中軍司馬

代魏

士富為候奄

代張老士富士會別族

○楚司馬公子何忌侵陳陳叛故也

○許靈公事楚不會于雞澤冬晉知武子帥師伐

許

經四年春王三月己酉陳侯午卒

前年大夫盟雞澤三月無己酉日誤

○

夏叔孫豹如晉○秋七月戊子夫人妣氏薨

成公妻 葬公母

妣杞姓○家氏鉉翁曰前年書夫人姜氏有而夫人不加與而義自見矣

○葬陳成公

無傳

○八月辛

亥葬我小君定姒

無傳定姒也赴同紉姑反哭成喪皆以正夫人禮母以子貴踰月而葬速

○冬公

如晉○陳人圍頓

傳四年春楚師爲陳叛故猶在繁陽

前年何忌之師侵陳今猶未還繁陽楚地

在汝南銅陽縣南○銅音童○今河南汝寧府新蔡縣北有繁陽亭

韓獻子患之言於朝曰文

王帥殷之叛國以事紂唯知時也

知時未可爭

今我易之

難哉

晉力未能服楚受陳爲非時

三月陳成公卒楚人將伐陳聞喪

乃止

軍禮不伐喪

陳人不聽命

不聽楚命

臧武仲聞之曰陳不服

於楚必亡大國行禮焉而不服在大猶有咎而况

小乎夏楚彭名侵陳陳無禮故也

爲下陳圍頓傳

○穆叔如晉報知武子之聘也

武子聘在元年

晉侯享之金

奏肆夏之三不拜

肆夏樂曲名周禮以鐘鼓奏九夏其二曰肆夏一名樊三曰韶夏一名過四曰納夏一名渠蓋

擊鐘而奏此三夏曲。夏戶雅反。

工歌文王之三又不拜

工樂人也文王之三大雅之首文王

大明

歌鹿鳴之三三拜

小雅之首鹿鳴四牡皇皇者華

韓獻子使行人子

員問之

行人通使之官。負音云。使去聲。下注及文皆同。

曰子以君命辱於敝邑先

君之禮藉之以樂以辱吾子也

藉薦也

吾子舍其大而重

拜其細敢問何禮也對曰三夏天子所以享元侯

也使臣弗敢與聞

元侯牧伯。與音預。下及與同。孔疏。牧是州長伯是二伯。俱諸侯之長。

文王兩

君相見之樂也臣不敢及

及與也。文王之三皆稱文王之德。受命作周故諸侯會同以相樂。

鹿

鳴君所以嘉寡君也敢不拜嘉

晉以叔孫為嘉賓故歌鹿鳴之詩取其我有嘉賓叔孫奉

君命而來嘉叔孫  
乃所以嘉魯君  
四牡君所以勞使臣也敢不重拜詩言使臣

乘四牡駢駢然行不止勤勞也臣所以  
叔孫來聘故以此勞之○勞去聲  
皇皇者華君教使臣曰必

諮於周皇皇者華君遣使臣之詩言忠臣奉使能光輝君命如華之皇皇  
然又當諮于忠信以補己不及忠信為周其詩曰周爰諮諏周爰

諮謀周爰諮度周爰諮詢言必於  
忠信之人諮此四事○諏子須反  
臣聞之訪問於善為咨問善

咨親為詢問親戚  
咨禮為度問禮  
咨事為諏問政  
咨難為

謀問患  
臣獲五善敢不重拜五善謂諮詢度諏謀○孔疏教

○秋定如薨不殯于廟無櫬不虞櫬親身棺季孫以定如

制欲殯不過  
廟又不反哭  
匠慶謂季文子匠慶魯  
曰子為正卿而小君

之喪不成謂如季孫所議則  
不終君也慢其母是不  
君長誰

受其咎

言襄公長將責季孫

初季孫爲已樹六檟於蒲圃東門

之外

蒲圃場圃名季文子植檟欲自爲檟。場直良云。

匠慶請木

爲定如作檟

季孫曰略

不以道取

爲

匠慶用蒲圃之檟季孫不御

御止也傳言遂得成禮故經無異文

君子

曰志所謂多行無禮必自及也其是之謂乎

○冬公如晉聽政

受貢賦多少之政

晉侯享公公請屬鄆

鄆國也

欲得使屬魯如須句顛史之比使助魯出貢賦公時年七歲蓋相者爲之言鄆今琅邪鄆縣。今山東兗州府嶧縣東有鄆城

晉侯不

許孟獻子曰以寡君之密邇於仇讎而願固事君

無失官命

晉官徵發之命

鄆無賦於司馬

晉司馬又掌諸侯之賦

爲執事朝

夕之命敝邑敝邑褊小闕而爲罪

闕不共也

寡君是以願

借助焉

借鄆以自助。借子亦反注同。

晉侯許之

為明年叔孫豹鄆世子巫如晉傳

○楚人使頓間陳而侵伐之故陳人圍頓

間伺間缺。間去聲。

司同音

○無終子嘉父使孟樂如晉

無終山戎國名孟樂其使臣。無終今直隸順天府玉田縣也。

縣西有古無終城

因魏莊子納虎豹之皮以請和諸戎

欲戎與晉和莊

子魏絳晉侯曰戎狄無親而貪不如伐之魏絳曰諸侯

新服陳新來和將觀於我我德則睦否則攜貳勞

師於戎而楚伐陳必弗能救是弃陳也諸華必叛

諸華中國戎禽獸也獲戎失華無乃不可乎夏訓有之曰

有窮后羿

夏訓夏書有窮國名后君也羿有窮君之號○水經注窮水出安豐縣窮谷在今江南鳳陽府霍邱縣西

公曰

后羿何如

怙其言不次故問之

對曰昔有夏之方衰也后羿自

鉏遷于窮石因復民以代夏政

禹孫大康淫放失國夏人立其弟仲康仲康亦微弱仲康

卒子相立羿遂代相號曰有窮鉏羿木圍名○今直隸大名府滑縣東十五里有鉏城

恃其射也

羿善射不脩民

事而淫于原獸

淫放原野

弃武羅伯因熊髡尨圍

四子皆羿之賢臣○尨其

邦反而用寒浞寒浞伯明氏之讒子弟也

寒國北海平壽縣東有寒亭伯

明其君名○浞任角反○寒亭在今山東萊州府濰縣東北五十里

伯明后寒弃之

○孔疏后君也伯明君此寒國

之時棄不收采

夷羿收之

夷氏

信而使之以爲己相浞行媚于

內宮內

而施賂于外愚弄其民

欺罔

而虞羿于田

樂之以遊田

樹之詐慝以取其國家樹立也外內咸服信定詐羿猶不悛

悛改也。悛七全反。將歸自田羿獵還家衆殺而亨之以食其子食羿子。

家衆謂羿之家衆人亨音烹食音嗣。其子不忍食諸死于窮門殺之於國門靡奔

有鬲氏靡莫遺臣事羿者有鬲國名今平原鬲縣。今山東濟南府德平縣東一里有故鬲城。浞因羿室就其如妾

生澆及豷恃其讒慝詐偽而不德于民使澆用師

滅斟灌及斟尋氏二國夏同姓諸侯仲康之子后相所依樂安壽光縣東南有灌亭北海平壽縣東南有斟亭。

澆五弔反豷許器反。今斟灌城在山東青州府壽光縣東北四十里斟城在濰縣西南五十里。處澆于過處豷于

戈過戈皆國名東萊掖縣北有過鄉戈在宋鄭之間。過古禾反。今為萊州府治。靡自有鬲氏收二

國之燼燼遺民。燼才忍反。以滅浞而立少康少康夏后相之子少康滅



澆于過后，杼滅豷于戈。

后杼少康子。杼直呂反。

有窮由是遂亡，失

人故也。

泥因羿室，故不敢改有窮之號。

昔周辛甲之爲大史也，命百官

官箴王闕。

辛甲，周武王大史闕過也。使百官各爲箴辭戒王過。

於虞人之箴，

虞人掌田獵。

曰：芒

芒禹迹，畫爲九州。

芒芒遠貌。畫分也。

經啟九道。

啟開九州之道。

民有寢

廟，獸有茂草，各有攸處，德用不擾。

人神各有所歸，故德不亂。

在帝夷

羿，冒于原獸。

冒貪也。

忘其國恤，而思其麇牡。

言但念獵。

武不可

重。

重猶數也。重，用反。重累之重。

用不恢于夏家。

羿以好武，雖有夏家而不能恢大之。

獸臣

司原，敢告僕夫。

獸臣，虞人告僕夫不敢斥尊。

虞箴如是，可不懲乎？於

是晉侯好田，故魏絳及之。

及后羿事。

公曰：然則莫如和戎。

乎對曰和戎有五利焉戎狄荐居貴貨易土

荐發也易猶輕

也○易以豎反

土可賈焉一也

○賈音古

邊鄙不聳民狎其野穡人

成功二也

從懼狎習也

戎狄事晉四隣振動諸侯威懷三

也以德綏戎師徒不勤甲兵不頓四也

頓壞也

鑿于后

羿而用德度

以后羿為鑿戒

遠至邇安五也君其圖之公說

使魏絳盟諸戎脩民事田以時

傳言晉侯能用善謀

○冬十月邾人莒人伐鄆臧紇救鄆侵邾敗於狐

駘

臧紇武仲也鄆屬魯故救之狐駘邾地魯國番縣東南有目台亭○紇恨發反駘徒來反○番本又作蕃狐駘山今在山東兗州府滕縣東南

二十里

國人逆喪者皆髻魯於是乎始髻

髻麻髮合結也遺喪者多故不能備凶服

髮而已。○髮側  
瓜反結音計

國人誦之曰：臧之狐裘，敗我於狐貍。

時服

裘我君小子。朱儒是使，朱儒朱儒，使我敗於邾。

襄公幼弱

故曰：小子，臧紇短小，故曰朱儒。敗不書，魯人諱之。○朱或作侏。

經五年春，公至自晉。○夏，鄭伯使公子發來聘。

孽父

○叔孫豹，鄆世子巫如晉。比魯大夫故書巫如晉。○仲孫蔑，衛孫林

父，會吳于善道。

魯衛俱受命於晉，故不言及吳。先在善道，二大夫往會之，故曰會吳善道。地關。○阮勝之南兗州記云：肝

胎本吳善道地，今屬江南鳳陽府泗州。

○秋，大雩。○楚殺其大夫公子壬夫。

書名罪

○公會晉侯、宋公、陳侯、衛侯、鄭伯、曹伯、莒子、

邾子、滕子、薛伯、齊世子光、吳人、鄆人于戚。

穆叔使鄆人聽命于會，故

鄆見經不復殊吳者吳來會于戚

公至自會

無傳

○冬成陳

諸侯在戚會皆受命成陳各還國造成不

復有告命故獨書魯成

○楚公子貞帥師伐陳公會晉侯宋公衛

侯鄭伯曹伯齊世子光救陳十有二月公至自救

陳無傳○辛未季孫行父卒

傳五年春公至自晉

公在晉既聽屬鄆聞其見伐遂命臧紇出救故傳稱經公至以明之

○王使王叔陳生愬戎于晉

王叔周卿士也戎陵譏周室故告愬於盟主○譏白報反晉

人執之士魴如京師言王叔之貳於戎也

王叔反有二心於戎失奉

使之義故晉執之

○夏鄭子國來聘通嗣君也

鄭僖公初即位

○穆叔覲鄆犬子于晉以成屬鄆

覲見也前年請屬鄆故將鄆犬子巫如晉以成

之書曰叔孫豹鄆犬子巫如晉言比諸魯大夫也

豹與巫俱受命於魯故

經不書及比之魯大夫

○吳子使壽越如晉

壽越吳大夫

辭不會于雞澤之故

三年會雞

澤吳不至今來謝之

且請聽諸侯之好

更請會

晉人將爲之合諸侯

使魯衛先會吳且告會期

以其道遠故使魯衛先告期

故孟獻子孫

文子會吳于善道

二子皆受晉命而行

○秋大雩旱也

雩夏祭所以祈甘雨若旱則又脩其禮故雖秋雩非書過也然經與過雩同文是以傳每釋之曰旱也雩

而獲雨故書

雩而不書旱

○楚人討陳叛故

討治也

曰由令尹子辛實侵欲焉乃

殺之書曰楚殺其大夫公子壬夫貪也君子謂楚

共王於是不刑

陳之叛楚罪在子辛共王既不能素明法教陳叛之

討加禮於陳而陳恨彌篤乃怨而歸罪子辛子辛之貪雖足以取死然共王用刑為失其節故言不刑

詩曰周道挺挺

我心疇疇講事不令集人來定

逸詩也挺挺正直也疇疇明察也講謝也言謀事不善當

聚致賢人以定之。疇工迥反

已則無信而殺人以逞不亦難乎

共王伐宋封魚

石背盟賂于鄢陵殺子反公子申及壬夫八年之中戮殺三卿欲以屬諸侯故君子以為不可

復書曰成允成功

亦逸書也允信也言信成然後有成功。今大禹謨

○九月丙午盟于戚會吳且命戍陳也

公及其會而不書盟非公後會

蓋不以盟告廟。穆叔以屬郟為不利，使郟大夫聽命于會。郟，魯地。故欲以為屬國，既而與莒有忿，魯不能救，恐致譴責，故復乞還之。傳言郟人所以見於戚會。

○楚子囊為令尹

公子貞

范宣子曰：我喪陳矣。楚人討

貳而立子囊，必改行。

改于辛所行。

而疾討陳也。陳近於楚。

民朝夕急，能無往乎？有陳，非吾事也。無之而後可。

言晉力不能及陳，故七年陳侯逃歸。

冬，諸侯戍陳。

備楚。

子囊伐陳。十一月甲

午，會于城棣以救之。

公及救陳而不及會，故不書。城棣，城榘，鄭地。陳留酸棗縣西南有棣城。寰宇記有南棣。

城北棣城在陽武縣北十里，今屬河南開封府。

○季文子卒，大夫入斂，公在位。

在阼階西鄉。

宰庀家器為

葬備

庀具也。庀匹婢反。

無衣帛之妾。無食粟之馬。無藏金玉

無重器備

器備謂珍寶甲兵之物。衣去聲。

君子是以知季文子之忠

於公室也。相三君矣。而無私積。可不謂忠乎。

積子賜反。

經六年春王三月壬午杞伯姑容卒。

立於僖之二十四年。

○夏

宋華弱來奔。

華椒孫。

○秋葬杞桓公。

無傳。

○滕子來朝。

莒人滅鄆。○冬叔孫豹如邾。○季孫宿如晉。

行父之子。

十有二月齊侯滅萊。

書十二。月從告。

傳六年春杞桓公卒。始赴以名。同盟故也。

杞入春秋。未嘗書名。桓公

三與成同盟

故赴以名



○宋華弱與樂轡少相狎長相優又相謗也

狎親習也。慶調

戲也子蕩怒以弓梛華弱于朝

子蕩樂轡也。張弓以貫其頭。若械之在手。故曰梛。

平公

見之曰司武而梛於朝難以勝矣

司武司馬言其懦弱不足以勝敵。

遂

逐之夏宋華弱來奔司城子罕曰同罪異罰非刑

也專戮於朝罪孰大焉亦逐子蕩子蕩射子罕之

門曰幾日而不我從

言我射女門女亦當以不勝任見逐。射音石。

子罕善之如

初

言子罕雖見辱不追忿所以得安。傳氏遜曰子蕩已出子罕不復追其射門之怨若趙盾之於賈季也。

○秋滕成公來朝始朝公也

○莒人滅鄆鄆恃賂也

鄆有貢賦之賂在魯恃之而慢言故滅之。

○冬穆叔如邾聘且脩平

平四年  
狐駘戰

○晉人以鄆故來討曰何故亡鄆

鄆屬魯恃賂而慢甘魯不致力輔助無何以還

晉尋便見滅  
故晉責魯

季武子如晉見且聽命

始代父為卿見大國且謝  
亡鄆聽命受罪○見音現

○十一月齊侯滅萊萊恃謀也

賂風沙衛之謀  
也事在二年

於鄭子

國之來聘也四月晏弱城東陽而遂圍萊

子國聘在  
五年二年

晏弱城東陽至五年四  
月復託治城因遂圍萊

甲寅堙之環城傳於堞

堞女牆堙土山  
也周城為土山

及女牆○堙音因  
環戶關反傳音附

及杞桓公卒之月

此年三月

乙未王湫帥師

及正與子棠人軍齊師

王湫故齊人成十八年奔萊正與子棠  
大夫棠萊邑也北海即墨縣有棠鄉三人

帥別邑兵來解圍○秋子小反○今即墨縣南  
八十里有甘棠社即古棠鄉也屬山東萊州府

齊師大敗之

敗湫

丁

未入萊萊共公浮柔奔棠正輿子王湫奔莒莒人

殺之四月陳無宇獻萊宗器于襄宮

無宇桓子陳完立孫襄宮齊襄公廟

晏弱圍棠十一月丙辰而滅之遷萊于郕

遷萊子于郕圍

高

厚崔杼定其田

定其疆界高厚高園子

經七年春邾子來朝○夏四月三卜郊不從乃免

牲

稱牲既卜日也卜郊又非禮也○汪氏克寬曰公穀啖氏皆以三卜爲合禮朱子亦云四卜五卜失禮然春秋四書卜郊惟此年三卜亦書之者蓋

三卜雖得禮而卜郊止於三月今書四月而三卜不從則過時不敬以致龜違故書以譏非時而非議其瀆卜也

○小邾子來

朝○城費

南遺假事難而城之費音秘難去聲

○秋季孫宿如衛○八月

冬

無傳爲災故書

十月衛侯使孫林父來聘壬戌及孫

林父盟○楚公子貞帥師圍陳○十有二月公會

晉侯宋公陳侯衛侯曹伯莒子邾子于鄆

謀殺陳陳侯逃歸不

成救故不書救也鄆鄭地○鄆于執反○孔疏楚既圍陳而陳侯亦列於會者當是圍之不密故陳侯得出會求救也陳侯逃歸陳遂屬楚諸侯不與楚戰各自罷歸不成爲救故不書救也○鄭伯髡頑如會未見諸侯丙戌卒

于鄆

實爲子駟所弑以瘡疾赴故不書弑稱名爲書卒同盟故也如會會於鄆也未見諸侯未至會所而死鄆鄭地不欲再稱鄭伯故約文

其名於會上○鄭七報反

○陳侯逃歸

畏楚逃晉而歸

傳七年春鄆子來朝始朝公也

○夏四月三卜郊不從乃免牲孟獻子曰吾乃今

而後知有卜筮夫郊祀后稷以祈農事也

郊祀后稷以配天后

稷周始祖  
能播殖者

是故啓蟄而郊，郊而後耕。今既耕而卜，郊

宜其不從也。

啓蟄夏正建寅  
之月耕謂春分

○南遺爲費宰

費季氏邑

叔仲昭伯爲隧正

隧正主役徒昭伯  
叔仲惠伯之孫

欲善季氏而求媚於南遺，謂遺請城費。使遺請城吾多與

而役，故季氏城費。

傳言祿去公室  
季氏所以強

○小邾穆公來朝，亦始朝公也。

亦邾子也

○秋季武子如衛，報子叔之聘，且辭緩報，非貳也。

子叔聘在元年言國  
家多難故不時報

○冬十月，晉韓獻子告老，公族穆子有癢疾。

穆子韓  
厥之子

成十八年為

公族大夫

代厥

將立之為卿辭曰詩曰豈不夙夜謂行多露

詩言雖欲早夜而行懼多露之濡已義取非

禮不可妄行○引言非才不可妄居官位 又曰弗躬弗親庶民

弗信

詩小雅言機在位者不躬親政事則庶民不奉信其命言已有疾不能躬親政事

無忌不才讓其可

乎請立起也

無忌穆子名起無忌弟宣子也

與田蘇游而曰好仁

田蘇晉賢人蘇

言起

好仁詩曰靖共爾位好是正直神之聽之介爾景福

靖安也介助也景大也詩小雅言君子當思不出其位求正直之人與之竝立如是則神明順之致大福也

恤民為德靖共其位

所以

正直為正

正已

正曲為直

正人

參和為仁

德正直三者備乃為仁

如

是則神聽之介福降之立之不亦可乎

言起有此三德故可立

庚

戌使宣子朝遂老

韓厥致仕

晉侯謂韓無忌仁使掌公族

大夫

為之師長

○衛孫文子來聘且拜武子之言

緩報非戴之言

而尋孫桓

子之盟

盟在成三年

公登亦登

禮登階臣後君一等

叔孫穆子相趨進

曰諸侯之會寡君未嘗後衛君

敵體並登

今吾子不後寡

君寡君未知所過

寡君未知何所過失而致有此不遜

吾子其少安

安徐也

孫

子無辭亦無悛容

悛改也

穆叔曰孫子必亡為臣而君

過而不悛亡之本也詩曰退食自公委蛇委蛇

詩召南言人臣自公門入私門無不順禮委於危反蛇以支反

謂從者也

從順行

衡而委蛇必折

衡橫也橫不順道必毀折為十四年林父逐君起木○傳氏遜曰委蛇自得之貌順道則可以自得橫不順道而妄焉自得必毀折矣

○楚子囊圍陳會于鄆以救之

晉會諸侯

○鄭僖公之為大子也於成之十六年

魯成公

與子罕

適晉不禮焉又與子豐適楚亦不禮焉

子豐穆公子

及其

元年朝于晉

鄭僖元年魯襄三年

子豐欲愬諸晉而廢之子罕

止之及將會于鄆子駟相又不禮焉侍者諫不聽

又諫殺之及鄆子駟使賊夜弑僖公而以瘡疾赴

于諸侯

傳言經所不書弑

簡公生五年奉而立之

僖公子○沈氏堯中曰春秋書

卒四傳皆以為弑將從經乎抑從傳乎吾寧肯傳而不敢背經也然則左氏曷據乎羣公子以僖公之死也謀子駟謀必加以不韙之名據此為傳未可

也知



○陳人患楚

楚圖陳故

慶虎慶寅謂楚人曰吾使公子黃

往而執之

二慶陳執政大夫公子黃哀公弟。於時楚師圍陳使公子黃往入楚軍也。

楚人從之

為執黃

二慶使告陳侯于會

鄒之會

曰楚人執公子黃矣君若不來羣臣不忍社稷宗廟懼有二圖

不來羣臣不忍社稷宗廟懼有二圖

背君屬楚

陳侯逃歸

鄒會所以

不書救

經八年春王正月公如晉○夏葬鄭僖公

無傳

○鄭

人侵蔡獲蔡公子燹

鄭子國稱人刺其無故侵蔡以生國患燹蔡莊公子

○季孫宿會

晉侯鄭伯齊人宋人衛人邾人于邢邱

時公在晉晉悼難勞諸侯唯使

大夫聽命故季孫在會

而公先歸○難去聲

○公至自晉

無傳

○莒人伐我東鄙

○秋九月大雩○冬楚公子貞帥師伐鄭○晉侯使士匄來聘

傳八年春公如晉朝且聽朝聘之數

晉悼復脩霸業故朝而稟其多少

○鄭羣公子以僖公之死也謀子駟子駟先之夏

四月庚辰辟殺子狐子熙子侯子丁

辟罪也加罪以殺之先去擊辟婢亦反

孫擊孫惡出奔衛

二孫子孫之子

○庚寅鄭子國子耳侵蔡獲蔡司馬公子燮

鄭僖蔡欲以求

媚於晉子耳子良之子不言敗唯以獲告

鄭人皆喜唯子產不順

子產子國子不順衆而喜

曰小

國無文德而有武功禍莫大焉楚人來討能勿從

乎從之。晉師必至。晉楚伐鄭。自今鄭國不四五年。弗得寧矣。子國怒之曰。爾何知。國有大命而有正。卿童子言焉。將為戮矣。

大命起師行軍之命

○五月甲辰會于邢邱。以命朝聘之數。使諸侯之大夫聽命。季孫宿齊高厚宋向戌衛甯殖邾大夫會之。

晉難重煩諸侯故使大夫聽命

鄭伯獻捷于會。故親聽命。

獻捷也

大夫

不書尊晉侯也。

晉悼復文襄之業制朝聘之節儉而有禮德義可尊故退諸侯大夫以崇之。○李氏庶曰所謂尊晉侯者不

過不以大夫敵諸侯之義耳

○莒人伐我東鄙。以疆鄆田。

莒既滅鄆魯侵其西界故伐魯東鄙以正其封疆也

○秋九月大雩旱也

○冬楚子囊伐鄭討其侵蔡也子駟子國子耳欲

從楚子孔子蟠子展欲待晉

待晉來救子孔穆公子子蟠子游子子展子罕子○蟠居表反

子駟曰周詩有之曰俟河之清人壽幾何

逸詩也言人壽促而河清

遲喻晉之不可待

兆云詢多職競作羅

兆卜詢謀也職主也言既卜且謀多則競作羅網之難無成功

○云語辭也難去聲

謀之多族民之多違

族家也

事滋無成

滋益也民急

矣姑從楚以紓吾民晉師至吾又從之敬共幣帛

以待來者小國之道也犧牲玉帛待於二竟

二竟晉楚界上

以待彊者而庇民焉寇不爲害民不罷病不亦可

乎。子展曰：小所以事大，信也。小國無信，兵亂日至。

亡無日矣。五會之信。

謂三年會雞澤，五年會戚，又會城棣，七年會鄆，八年會邢邱。

今將背

之，雖楚救我，將安用之？

言失信得楚，不足貴。

親我無成。

晉親鄭。

鄙我

是欲

楚欲以鄭為鄙，邑而反欲與成。

不可從也。

言子駟不可從。

不如待晉。晉君方

明，四軍無闕，八卿和睦，必不棄鄭。

四軍，謂上中下新軍也。軍有二卿。

楚

師遼遠，糧食將盡，必將速歸。何患焉？舍之聞之。

會也。子展

名杖莫如信，完守以老楚。杖信以待晉，不亦可乎？

子駟曰：詩云：謀夫孔多，是用不集。

詩小雅，孔，甚也。集，就也。言人欲為政，是非相亂。

而不發言盈庭，誰敢執其咎？

言諱者多，若有不善，無適受其咎。

如匪行

邁謀是用不得于道

匪彼也行邁謀於路人也不得于道衆無適從

請從楚駢也

受其咎

駢子駢名

乃及楚平使王子伯駢告于晉

伯駢鄭大夫

曰

君命敝邑脩而車賦餼而師徒以討亂略蔡人不

從敝邑之人不敢寧處悉索餼賦

索盡也

以討于蔡獲

司馬燮獻于邢邱今楚來討曰女何故稱兵于蔡

稱舉也

焚我郊保

郭外曰郊保守也

馮陵我城郭

馮迫也馮皮冰反

敝邑之

衆夫婦男女不遑啓處以相救也

遑暇也啓跪也

翦焉傾覆

無所控告

翦盡也控引也覆芳服反

民死亡者非其父兄即其子

弟夫人愁痛

夫人猶人人也

不知所庇民知窮困而受盟于

楚孤也與其二三臣不能禁止

孤鄭伯

不敢不告知武

子使行人子員對之曰君有楚命

見討命

亦不使一介

行李告于寡君

一介獨使也行李行人也○介古賀反

而即安于楚君之所

欲也誰敢違君寡君將帥諸侯以見于城下唯君

圖之

為明年晉伐鄭傳

○晉范宣子來聘且拜公之辱

謝公此春秋

告將用師于

鄭公享之宣子賦標有梅

標有梅詩召南標落也梅盛極則落詩人以興女色盛則有衰衆士求之

宜及其時宣子欲魯及時共討鄭取其汲汲相赴

季武子曰誰敢哉

言誰敢不從命

今譬於草

木寡君在君君之臭味也

言同類

歡以承命何時之有

遲還

無時

武子賦角弓

角弓詩小雅取其兄弟婚姻無相違美

賓將出武子賦彤弓

彤弓天子賜有功諸侯之詩欲使晉君繼文之業復受彤弓於王

宣子曰城濮之役

在僖二十八年

我先

君文公獻功于衡雍受彤弓于襄王以爲子孫藏

藏之以示子孫

白也先君守官之嗣也敢不承命

言已嗣其父祖爲先君守官不

敢廢命欲匡晉君

君子以爲知禮

彤弓之義義在晉君故范白受之所謂知禮

經九年春宋災

天火曰災來告故書

○夏季孫宿如晉○五月

辛酉夫人姜氏薨

成公母

○秋八月癸未葬我小君穆

姜

無傳四月而葬速

○冬公會晉侯宋公衛侯曹伯莒子邾

子滕子薛伯杞伯小邾子齊世子光伐鄭十有二



月己亥同盟于戲

伐鄭而書同盟則鄭受盟可知傳言十有一月己亥以長歷推之十二月無己亥經誤戲鄭地

戲許宜反。即成十七年之戲童也。水經注。汜水出浮戲之山。今汜水縣屬河南開封府。

○楚子伐鄭

傳九年春宋災樂喜為司城以為政

樂喜子罕也為政卿知將有火災素戒為

備火之政。孔疏宋國之前右師為政卿今言司城為政卿者子罕賢知故特使為政齊用管夷吾魯任叔孫婁皆位卑而執國政也。

使伯

氏司里

伯氏宋大夫司里里宰。孔疏使伯氏司此城內諸里之長。

火所未至徹小屋塗

大屋

大屋難徹就塗之。

陳番揭具綆缶

番音籠揭上舉綆汲水缶汲器。番音本揭九錄反。綆古杏反。

籠力東反。舉音預。

備水器

盆器之屬。鑿戶警反。如瓶大口以盛水。

量輕重

計人力所任。任音壬。

蓄水

潦積土塗巡丈城繕守備

巡行也。丈度也。繕治也。行度守備之處。恐因災有亂。行去聲。度待洛反。

守去聲。下同。十尺為丈。巡行其城以丈度之。故云丈城。

表火道

火起則從其所趨。標表之。標必遠反。

使華臣具

正徒

華臣華元子為司徒。正徒，役徒也。司徒之所主也。孔疏：正徒常共官役，若今之正丁也。

令隧正納郊保

奔火所

隧，正官名也。五縣為隧，納聚郊野，保守之民，使隨火所起往救之。

使華閱討右官，官庀

其司

亦華元子，代元為右師。討，治也。庀，具也。使其官屬

向戌討左，亦如之。

向戌，左師。

使樂造

庀刑器，亦如之。

樂造，司寇刑器。刑書，恐其為火所焚。

使皇鄭命校正出馬

工正出車，備甲兵，庀武守。

皇鄭，皇父充石之後。校正，主馬。工正，主車。使各備其官。鄭音云：校，戶教。

反使西鉏吾庀府守。

鉏，吾大宰也。府，六官之典。吾，音魚。六官之典，其事載之於書，故使其官守。

司宮巷伯儆宮。

司宮，奄臣。巷伯，寺人，皆掌宮內之事。

二師令四鄉正敬享

二師，左右師也。鄉，正，鄉大夫享祀也。

祝宗用馬于四墉，祀盤庚于西門之

外。

祝，犬祝。宗，宗人。墉，城也。用馬，祭于四城以櫟火。盤庚，殷王。宋之遠祖，城積陰之氣，故祀之。凡天災有幣無牲，用馬。祀盤庚皆非禮。

晉侯

問於士弱

弱士遲濁之子莊子

曰吾聞之宋災於是乎知有天

道何故

問宋何故自知道將災

對曰古之火正或食於心或食於

味以出內火是故味爲鶉火心爲大火

謂火正之官配食於火星建辰

之月鶉火星昏在南方則令民放火建戌之月大火星伏在日下夜不得見

則令民內火禁放火。味音晝內音納心東方宿名也味柳星也柳星南方

朱鳥之宿鳥有喙故名爲味在午位爲鶉火之次心星在卯位爲大火之次

陶唐氏之火正闕伯居

商邱

陶唐堯有天下號闕伯高辛氏之子傳曰遷闕伯於商邱主辰辰大火也今爲宋星然則商邱在宋地。爾雅以大火爲大辰

祀

大火而火紀時焉

謂出內火時

相土因之故商主大火

相土契孫

商之祖也始代闕伯之後居商邱祀大火。商邱之地屬大火

商人閱其禍敗之釁必始於

火是以日知其有天道也

闕猶數也商人數所更歷恒多火災宋是殷商之後故知天道之災必火

○日猶言日者謂近日也。顧氏炎武曰：相土代關伯主火星宋其後也。世司其占故先知火災。公曰：可必乎？對曰：

在道國亂無象不可知也。言國無道則災變亦殊故不可必知。

○夏季武子如晉報宣子之聘也。宣子聘在八年。

○穆姜薨於東宮。大子宮也。穆姜淫僞如欲廢成公故徙居東宮。事在成十六年。始往而筮

之遇艮之八三三三。艮下艮上。艮周禮犬卜掌三易。然則雜用連山歸藏周易三易皆以七八為占。故言遇艮之八

○姜氏希轍曰：揲著之法。遇九為老陽。遇六為老陰。遇七為少陽。遇八為少陰。不變故

曰艮之八也。史曰：是謂艮之隨三三三。震下兌上。隨史疑占易遇八為不利。故更以周易占變爻

得隨卦而論之。○史言本卦是艮五爻皆變。故之卦為隨。隨其出也。史謂隨非閉固之卦。君必速出。姜

曰：亡。亡猶無也。亡音無。是於周易曰：隨元亨利貞。無咎。易筮皆以變者

占遇一爻變義異則論象故姜亦以象為占也史據周易故指言周易以折之。穆姜又引周易隨卦彖辭以折史之妄也據著之法遇五爻變者當以之卦不變之爻辭占據此當用隨六三係小子失丈夫為斷是則史之對固妄而穆姜亦未為是也 元體之長也亨嘉

之會也利義之和也貞事之幹也體仁足以長人

嘉德足以合禮利物足以和義貞固足以幹事然

故不可誣也是以雖隨無咎

言不誣四德乃遇隨無咎明無四德者則為淫而相隨非吉事

今我婦人而與於亂固在下位

婦人卑於丈夫與音預而有不仁

不可謂元不靖國家不可謂亨作而害身不可謂

利弃位而姤

姤淫之別名。姤也交反。

不可謂貞有四德者隨而無

咎我皆無之豈隨也哉我則取惡能無咎乎必死

於此弗得出矣

傳言穆姜辨而不德

○秦景公使士雅乞師于楚將以伐晉楚子許之

子囊曰不可當今吾不能與晉爭晉君類能而使

之

隨所能。雅苦田反。

舉不失選

得所選。選息慙反。

官不易方

方猶宜也。

其卿讓

於善

讓勝已者。

其大夫不失守

各任其職。

其士競於教

奉命。其庶人

力於農穡

種曰農。收曰穡。

商工皂隸不知遷業

四民不雜。

韓厥老矣

知瑩稟焉以爲政

代將中軍。

范匄少於中行偃而上之使

佐中軍

使匄佐中軍。偃將上軍。

韓起少於欒黶而欒黶士魴主之

使佐上軍

魴將下軍。魴佐之。

魏絳多功以趙武爲賢而

爲之佐

武新軍將

君明臣忠上讓下競

尊官相讓勞職力競

當是時也

晉不可敵事之而後可君其圖之王曰吾既許之

矣雖不及晉必將出師秋楚子師于武城以爲秦

援秦人侵晉晉饑弗能報也

爲十年晉伐秦傳

○冬十月諸侯伐鄭鄭從楚也庚午季武子齊崔杼宋皇

鄭從荀罃士匄門于鄆門

鄆城門也三國從中軍

衛北宮括曹人

邾人從荀偃韓起門于師之梁

師之梁亦鄭城門三國從上軍

滕人薛

人從欒黶士魴門于北門

二國從下軍

杞人邾人從趙武

魏絳斬行栗

二國從新軍行栗表道樹○行如宗道也

甲戌師于汜

栗車還聚汜汜鄭地東記○記

凡令於諸侯曰。脩器備兵器。盛餼糧餼音成。歸老幼。

示將居疾于虎牢。諸侯已取鄭虎牢。故肆眚圍鄭。肆。緩也。眚。過也。不書圍鄭。逆服

不成圍。鄭人恐。乃行成。與晉成也。中行獻子曰。遂圍之。以

待楚人之救也。而與之戰。不然。無成。獻子。荀偃也。恐楚救鄭。鄭復屬之。

知武子曰。許之盟。而還師。以敝楚人。敝。能也。吾三分四

軍。分四軍為三部。與諸侯之銳。以逆來者。來者。楚也。於我未病。楚不

能矣。晉各一動。而楚三來。故曰不能。猶愈於戰。勝聚戰。暴骨以逞。不可以爭

言爭。當以謀。不可以暴骨。暴。蒲卜反。大勞未艾。君子勞心。小人勞力。先王

之制也。艾。息也。言當從勞心之勞。諸侯皆不欲戰。乃許鄭成。十一月



己亥同盟于戲鄭服也

鄭服故言同盟

將盟鄭六卿公子駢

子駢公子發

子國

公子嘉

子孔

公孫輒

子耳

公孫董

子矯

董公

孫舍之

子展

及其大夫門子皆從鄭伯

門子

子適子

從去聲

三族之別以辯親疎其正室皆謂之門子鄭云正室適子也將代父當門者也

晉士莊子爲載書

莊子士弱載書

盟書曰自今日既盟之後鄭國而不唯晉命是聽而

或有異志者有如此盟

如違盟之罰

公子駢趨進曰天禍

鄭國使介居二大國之間

介猶間也

大國不加德音而亂

以要之

謂以兵亂之力強要鄭要平聲下同

使其鬼神不獲歆其禋祀其

民人不獲享其土利夫婦辛苦墊隘無所底告

墊隘猶要

頓底至也。○整丁念反底音旨。

自今日既盟之後鄭國而不唯有禮與

彊可以庇民者是從而敢有異志者亦如之

亦如此盟荀

偃曰改載書

子駟亦以所言載於策故欲改之

公孫舍之曰昭大神要

言焉

要誓以告神

若可改也大國亦可叛也知武子謂獻

子曰我實不德而要人以盟豈禮也哉非禮何以

主盟姑盟而退脩德息師而來終必獲鄭何必今

日我之不德民將弃我豈唯鄭若能休和遠人將

至何恃於鄭乃盟而還

遂兩用載書

○晉人不得志於鄭以諸侯復伐之十二月癸亥

門其三門

三門鄭門師之梁北門也癸亥月五日晉果三分其軍各攻一門

閏月戊寅濟于

陰阪侵鄭

以長歷參校上下此年不得有閏月戊寅戊寅是十二月二十日疑閏月當為門五日五字上與門合為閏則後學者自

然轉日為月晉人三番四軍更攻鄭門門各五日晉各一攻鄭三受敵欲以苦之癸亥去戊寅十六日以癸亥始攻攻輒五日凡十五日鄭故不服而去

明日戊寅濟于陰阪復侵鄭外邑陰阪洧津○阪音反

次于陰口而還

陰口鄭地名

子孔曰晉

師可擊也師老而勞且有歸志必大克之子展曰

不可

傳言子展能守信

○公送晉侯晉侯以公宴于河上問公年季武子

對曰會于沙隨之歲寡君以生

沙隨在虜十六年

晉侯曰十

二年矣是謂一終一星終也

歲星十二年一星終也

國君十五而

生子冠而生子禮也

冠成人之服故必冠而後生子。冠去聲下同。

君可以冠矣。

大夫盍爲冠具。武子對曰：君冠必以裸享之禮行。

之

裸謂灌鬯酒也。享祭先君也。

以金石之樂節之。

以鐘磬爲舉動之節。

以先君之

祧處之。

諸侯以始祖之廟爲祧。

今寡君在行未可具也。請及兄弟

之國而假備焉。晉侯曰：諾。公還及衛。冠于成公之

廟。

成公今衛獻公之曾祖從衛所處。

假鐘磬焉。禮也。

孔疏以晉悼欲速故寄衛廟而假鐘磬其裸享之禮歸

魯乃祭耳。

○楚子伐鄭。

與晉成故。

子駟將及楚平。子孔子嬀曰：與大

國盟。口血未乾而背之，可乎？子駟子展曰：吾盟固

云唯彊是從。今楚師至，晉不我救，則楚彊矣。盟誓

之言，豈敢背之？且要盟無質，神弗臨也。質主也。○孔疏

晉云唯晉命是

聽。鄭云唯彊是從。是其無定主也。所臨唯信，信者言之瑞也。瑞符也。善之主

也。是故臨之。神臨之。明神不蠲要盟。蠲潔也。○不以要盟為潔。背之可也。

乃及楚平公子罷戎入盟，同盟于中分。中分，鄭城中里名。罷戎，楚大夫

○罷音度。楚莊夫人卒。共王母。王未能定鄭而歸。

○晉侯歸，謀所以息民。魏絳請施舍。施恩惠。舍勞役。輸積聚

以貸。輸，盡也。○積子賜反。下同。貸，他代反。自公以下，苟有積者，盡出之。國

無滯積。散在民。亦無困人。不匱乏。公無禁利。與民共。亦無貪民。禮讓行。

所以幣更

不用牲

賓以特牲

務崇省

器用不作

因仍舊

車服從給

足給事也

行之期年國乃有節三駕而楚不能與爭

三駕三興師謂

十年師于牛首十一年師于向其秋觀兵于鄭東門自是鄭遂服

春秋左傳杜注卷第十四